



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1431. usque ad annum 1441

**Fleury, Claude**

**August. Vind. [u.a.], 1768**

**VD18 90118316**

§. 108. Connubia Catharinæ de Francia cum Carolesii Comite.

---

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

Abrincis infausto Marte pugnabant; Sæcul. XV.  
A.C. 1439.  
Talbotus enim Bellidux eundem Conne-  
stabilem, qui dictam urbem circumse-  
derat, obsidionem solvere compulit, omnibus  
impedimentis, totoque belli apparatu in  
Victoris arbitrio relictis. Funestus hic  
solutæ oppugnationis nuncius non mo-  
dice Regis, qui tum Andegavi agebat,  
animum afflixit, dolorem tamen nonni-  
hil lenivit oppidi Sansufanæ expugnatio;  
locus enim erat, cujus possessio, quanto  
hostibus opportunior, tanto magis Ande-  
gavensi, & Cenomanensi agro erat infesta.

## §. CVIII.

*Connubia Catharinæ de Francia cum  
Carolesii Comite.*

Nihil magis tamen Regis animum ere-  
xit, quam amicitia Burgundiæ Ducis,  
qui inviolabili fide sese Carolo VII de-  
vovit. Hæc animorum conjunctio longe  
magis adhuc firmata fuit conjugali vin-  
culo, quod inter Catharinam de Francia,  
& Carolum Carolesii Comitem, Ducis  
Burgundi Filium natu majorem contra-  
ctum est. Deducebatur Sponsa hoc an-  
no insigni prorsus pompa in Belgium, ac  
Burgundiæ Duci futuro Socero tradeba-  
tur, qui eam Audomaropoli omnibus ho-  
norum signis, quæ præclaro ejus generi  
debebantur, excepit. Necdum illa deci-



Secul. XV. mum ætatis suæ annum expleverat, &  
 A.C. 1439. Carolesii Comes nonnisi septimum nume-  
 rabat.

## §. CIX.

*Christophorus Bavarus, depulso Erico, Daniæ Rex electus.*

Hoc itidem anno in locum Erici e regno pulsi, Dani Christophorum Bavarie Ducem Regis Nepotem ad sceptrum Daniæ, Sueciæ, ac Norvegiæ vocarunt, quem primo solius Daniæ Regem salutarunt, postea vero etiam post aliquas moras, difficultatesque, ut eundem pariter Regem suum nuncuparent, Suecis persuaserunt: licet alioquin longe magis in Carolum Finlandum, qui ex antiquis Gothorum Regibus ortum ducebat, & Regni gubernator ab ipsis constitutus erat, propenderent. Itaque unus idemque obtinebat trium simul Regnorum, Daniæ, Sueciæ & Norvegiæ coronas, sicut olim constitutum a Margarita Regina fuerat. Incurrit tamen Princeps hic populi sui offensam, cum Regni præfecturas plerumque nonnisi popularibus suis concederet. Sueci etiam illum vitæ nonnihil solutæ ac pravis cupiditatibus deditum suggillant, accusantque, quod impune permiserit, Ericum nuperum eorum Regem e Gothlandia, ubi adhuc debebat, latrociniis, & prædationibus Sueciam deva-